

AHLULO WU TIYISISA VULANDZELELAVUMBIWA BYA NAWU WA VULAWURI BYA XIBALO

Tshwane, 14 Nyenyenyani 2025 – Khomixinara wa Vukorhokeri bya Xibalo bya Afrika-Dzonga (SARS), Ttn Edward Kieswetter u amukerile ahlulo lowu humesiweke hi ti 12 Nyenyenyani 2025 exikarhi ka mhaka exikarhi ka Greyvensteyn na Khomixinara wa SARS na Van'wana.

Ahlulo lowu wu rhangeriweke hi xileriso xo sivela xa nkarhinyana eka tindlu ehenhla ka Andries Greyvensteyn ("Greyvensteyn") na *The Gold Kid (Pty) Ltd (Gold Kid)* ehansi ka xiyenge xa 163 xa Nawu wa Vulawuri bya Xibalo, 28 wa 2011 (Nawu wa TA) hi ti 28 Nyenyenyani 2023. Xileriso xi pfumelerile vuyiselo wa tinhundzu ta matiko mambe no pimela mfanelo ya muhakelaxibalo ku endzela ehandle ka Rhiphabuliki hi ku ya hi xiyenge xa 186 na 186(c). Xi tlhele xi pfumelela nhlayiso wa tinhundzu ta Greyvensteyn na *Gold Kid* ku katsa na vuyiselo wo boha wa tinhundzu ta le matikweni mambe ta Ttn Greyvensteyn.

Muendlaxikombelo, Andries Greyvensteyn ("Greyvensteyn"), u tlhonthile vulandzelelavumbiwa bya swiyenge swa 180, 184(2) na 186(3) bya Nawu wa 28 wa Vulawuri bya Xibalo wa 2011. Xiyenge xa 180 xi khoma munhu yena n'wini a va na vutihlamuleri eka xikweleti xa xibalo xa muhakelaxibalo loko ku ve honiso wa vona kumbe vukanganyisi swi fikelerisile eka ntsandzeko wo hakela xikweleti xa xibalo. Xiyenge xa 184(2) xi lava leswaku SARS yi nyika xivandla eka miyimelo yi nga se byarha munhu vutihlamuleri eka xikweleti xa xibalo xa muhakelaxibalo. Xiyenge xa 186(3) xi pfumelela khoto ku lerisa vuyiselo wa tinhundzu ta le matikweni mambe ta muhakelaxibalo no pimela vuswikoti bya vona byo endza kumbe ku endla bindzu.

Greyvensteyn u n'an'ile leswaku swipimelo leswi swi onhile timfanelo ta yena ta swa vumbiwa, ngopfungopfu xiyenge xa 34 (mfanelo yo fikelela khoto) na swiyenge swa 21 na 22 (timfanelo eka ntshuxeko wa ntshukotshuko no hlawula nxaviselano, ntirho kumbe phurofexini hi ndlela yo ntshuxeka). U phikisile leswaku swiendlo swa SARS swi fikelerisile ka mpfunon'wini, leswi nyajaka mfanelo ya yena yo twiwa hi ntshungu hi ndlela yinene.

Khoto yi kumile leswaku swiendlo swa SARS ehansi ka swiyenge swa 180 na 184(2) swi vangile xiendlo xa vulawuri, lexi xopelekaka ehansi ka Nawu wa Ntlakuso wa Vulawuri bya Vululami (PAJA). Khoto yi tshikelerile leswaku Greyvensteyn u na mfanelo ya nxopaxopo wa swa vululami eka swiboho swa SARS, ku tiyisisa mfikelelo eka khoto. Khoto yi tlhele yi kuma leswaku swipimelo leswi sindzisiweke hi xiyenge xa 186(3) eka timfanelo ta Greyvensteyn a ti twala no yimeleleka eka vaaki va xidemokirasi no pfuleka, hi ku nyikiwa nkoka wa nhlengeleto wa xibalo eka ntsakelo wa vanhu. Khoto yi khomile vlandzelelavumbiwa bya swiyenge swa 180, 184(2) na 186(3). Xikombelo xi bakanyeriwe etlhelo na tihakelo, ku katsa na tihakelo ta magqweta ma mune eka xikalu xa C.

Matimba ma SARS na mitirho ya vuyiselo wa swibalo a swi hetisekangi naswona ahlulo lowu wu tiyisisa leswaku SARS a yi fanelangi ku humelerisa matimba ma yona na mitirho hi ndlela leyi onhaka timfanelo ta vumbiwa, khoto yi tiyisisile leswaku swipimelo swa sweswi a swi tluli timfanelo ta swa vumbiwa ta vahakelaxibalo.

Khomixinara Kieswetter u vurile leswaku "xiboho lexi xo vekiwa ra masungulo xi tiyisisa nakambe vulawuri bya xinawu bya SARS byo tshunxa ntirho wa yona wo hlengeleta xibalo hinkwaxo lexi kolotiwaka mfumo hi mukhuva wa vuswikoti na lowu pfunaka. Swa nkoka, a ku ri ntiyisiso wa khoto nakambe wa leswaku swipimelo leswi pfumelelaka SARS ku kumisisa vutihlamuleri bya vandla ra vunharhu, vuyiselo wa tinhundzu ta matiko mambe na miyiriso ya marendzo swi le nawini no landzelela vumbiwa. SARS yi ta ya emahlweni yi nyika nhlamuselo na ntiyisiso eka vahakelaxibalo lokohiletlhelo yi endla swi olova no vevuka ku thiransakita na nhlngano. Hambiswiritano, SARS yi ta landzula hi matimba xiendlo xihhi na xihhi hi muhakelaxibalo lexi kongomisiweke eku nyajeni ka xileriso xa yona".

Mayelana na vuxokoxoko byo engetelela u komberiwa ku tihlanganisa na SARS eka SARSMedia@sars.gov.za.

MAKUMU